



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Margarita Evangelica

Essche, Nicolas van

Coloniae, 1545

Interpretatione mystica nominis Mariæ. 24

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

MARGARITAE EVANG.

in sancta meditatione sua ascendunt: per quæ  
 mirum cum omnibus sanctis comprehendunt  
 quæ sit longitudo, sublimitas, profundum & la-  
 titudo, prout Apostolus docet. Quibus & nos  
 ipsos libenter applicare debemus, vt in commu-  
 ni amicorum Dei cœtu inueniamur. ¶ Etenim  
 comprehendere debemus, primo sublimitatē Dei,  
 id est, velle p̄ amorē & intentionē summo Deo  
 hærere, & mente nostra in quandā superessen-  
 tialitatem excedere, & cuncta sensibilia tran-  
 scendere. Secundo, profundum Dei, id est, cū mag-  
 na humilitate diuinā abyssalitatē cōtueri, ad  
 instar virginis gloriosæ, q̄ bona oia sibi a Deo  
 lata silentio tegēs, de abyssali humilitate sua  
 quæbatur. Tertio, latitudinem Dei, quomodo  
 videlicet ipse per charitatem ad omnia se ex-  
 tendit. Et hanc latitudinem cum expedita ac ampla  
 mente sequi, & nos ipsos in eius præsentia ob-  
 iectare debemus. Etenim in hoc ipso superessen-  
 tialitatem datur, quod videlicet mentem nostram supra  
 omnes formas in Deū eleuamus, transferimus.  
 Quarto, longitudinem Dei, id est, æternitatem  
 quæ tranquilla & incōmutabilis existit, ad quæ  
 nos stabili ac incommutabili mente suspēdit.  
 atq; hoc pacto cum perfectis Dei amicis quomodo  
 per diem festum sanctis cogitationibus & cō-  
 tinentis exercitijs transfigere conabimur.

Explanatio dignissimi nominis gloriosæ  
 virginis Mariæ, & de sanctitate ipsius

Cap. XXIII.

**P**rima litera dignissimi nominis beate  
 Mariæ est M. quæ in sese trinam vnitatem  
 complectitur, & tres vires superiores eiusdem  
 beate

## LIBER III.

beatæ Mariæ designat, quibus ipsa Deo simili-  
 ma, & vnus cum ipso spiritus erat. Quæ & a-  
 gebatur ab ipso, & seipsam tanquam viuum  
 instrumentum exhibebat, quo Deus omnipotēs  
 acceptissimam voluntatem suam perficere pos-  
 set. A vero ipsam pauperem spiritu fuisse desi-  
 gnat. Quippe q̄ seipsam cum quadā suis ipsius an-  
 nihilatione Deo continue offerebat absque desi-  
 derio, absque voluntate, & absq̄ opere effecta,  
 sicut erat quando creata adhuc minime fuit. Et  
 per hæc introitum in spiritum, animā & corpus  
 suum dño pandebat. R puritatem spiritus ipsius  
 designat. Quippe quæ nunquam per delectatio-  
 nem alicui dono Dei inhærebat, nec ipso pro spi-  
 ritus sui voluptate vtebatur. Puritatem quoque  
 animæ designat ipsius, quia videlicet nulli vnq̄  
 creature afficiebatur, sed omnibus exornata vir-  
 tutibus erat. Denique & puritatem cordis et cor-  
 poris innuit ipsius: quæ tanta erat, vt nunquam  
 alicui peccato afficeretur. Et per hæc instar niuis  
 candida, & angelicis spiritibus similis erat, ipsa  
 diuinitate perlustrata. Et quamuis pulcherrima  
 esset, nemo tamen vnquam libidinoso affectu  
 eam intueri potuit. I deuotam & internam  
 eam spiritu fuisse significat. Cuius nimirum  
 dulcissimæ aspirationes immobilem & excel-  
 sum diuinitatis montem commouebant, adeo  
 vt venæ supersanctissimæ Trinitatis suauiter  
 scaturientes in ipsam amorose profluerent.  
 Deuotam quoque animam signat, cuius omnes  
 vires in laudibus omnipotentis Dei iugiter ere-  
 ctæ erant. Insuper & corde deuotam designat,  
 quod tam suauiter ac large apertum erat, vt  
 instar suaueolentis rosæ odorem ex se gra-  
 tissi-

MARGARITAE EVANG.

tissimum præberet, & cum ignitis desideriis in-  
comprehensibilem & omnia penetrantem divi-  
nitatis abyssum penetraret. In quo rite dilectum  
suum inueniens, cum suauissimo odore suo inti-  
ma voluptate potentia eius virtutem transibat,  
& indicibili pulchritudine sua æternam sapien-  
tiam vulneravit. Vnde & sempiterna deitas a-  
more ipsius velut ebria effecta cum omni vo-  
luptate sua in ipsam tota promanare gestiebat,  
eique super omnes diuitias suas potestatem tri-  
buit. Et sic ipsa vitale ex ipso nutrimentum hau-  
riens, deinceps non sibi, sed ei qui est viuentium  
omnium vita, vivebat. Denique postremum A.  
alpha & O. principium & finem designat. Om-  
nanque agere vel dimittere ipsius diuina inter-  
tio possidebat, & Deus omnium ipsius virginis  
actuum principium & finis erat: quippe quæ sem-  
per Deo vnita nunquam vel ad momentum ab  
ipsius præsentia recedebat. Et ob hoc nulla vn-  
quã creatura imaginẽ vel accessum in ipsam ha-  
bebat, sed omnia cum angelis in Deo simplici-  
ter intuebatur: quem etiam totaliter ac nude in-  
uenit in fundo suo, in essentia animæ suæ, in in-  
timo spiritus sui. Ideoque nec extrouersa aliqua  
do fuit cum viribus suis ad sublimitatem vel  
multiplicitatem aliquam, sed semper mansit in-  
trouersa simpliciter extra seipsam in Deum, qui  
& ipse vicissim erat in ea. Et inibi & nobilita-  
tem & fontem diuinitatis experiebatur, suumque  
intra seipsam principium agnoscebat. Atque hoc  
pacto omnium perfectissima erat, utpote quæ in  
suum principium iugiter tendebat. Ideoque & ap-  
prissime Maria dicitur: Quia nimirum tota vni-  
ta, pauper, pura, intima, & deifica fuit, & plus  
ccc

## LIBER III.

coelestis, quam terrestris creatura: quippe quæ & ipsa cœlum erat in spiritu suo, & cœlum cœli visque in seipsam inclinabat. Paradisus etiam in anima sua, ita nimirum diuinitatis claritate perlustrata, sicut ipse in paradiso protoplastus, nec vllum in se medium inter Deum et seipsam habens.

Qualiter nouē angelorum ordinibus cincta erat beatissima virgo Maria.

**D**Eniq; cum Seraphin in suis cogitationibus ardebat, plena diuino amore. Cum Cherubin plena erat cognitione, in intellectu suo in speculo diuino. Cum Thronis sedes in qua Deus ipse quiescebat, vnita per voluntatem perfectissime Deo suo. Cum Dominationibus perpetua pro nobis interpellatrix. Cū Principatibus mundi victrix. Cum Potestatibus demonum refrenatrix. Cum Virtutibus ordinata semper & discreta in obsequio suo. Cum archangelis duplicis nunciij baiula, quippe quæ nobis Deum ipsum genuit, æternam nobis omnibus pacem annunciantem. Cum angelis demum ancilla humilis, in quorum etiam medio continue versabatur.

De prima natiuitate in spiritu Mariæ.

Cap. XXV.

**P**orro, vt de tanta virgine amplius aliquid dicamus, sciendum est triplicem in ea natiuitatem extitisse. Prima natiuitas est, in qua Deus nascebatur in spiritu ipsius. Siquidem per puritatem suam mirum in modū placebat Deo. Per amorem vero compellebat eundem, vt se

CC demit-